

Autoridad Hulandes a haya prueba!

Norman Kleine a basha abao cu a pasa placa bao mesa pa 3 politico Arubano

ORANJESTAD (AAN): Como un aña pasa ora a start investigacion na Hulanda contra e compania di charter di Air Holland, despues cu el a bati bancarota, tabatin sospecho di principio cu esnan deteni por tin algo di haber cu Aruba y Antiyas.

E siman aki a bin sali na cla, cu Norman Kleine, kende ta basta conoci pa su inversionnan haci y contactonan, ta un di e personanan kende a substancia informacion na autoridad di Ministerio Publico, den cual ta haci insinuacion den procesverbaal cu a traha siman pasa, cu for di Aruba tin hende meti den e asunto aki.

E procesverbaal cu ta den man di autoridad Hulandes, conteniendo declaracion di Norman Kleine, ta haci mencion cu Air Holland y e persona kende ta tras di e affaire aki, lo mester a paga sumanan di placa na 3 politico pa nan regla e operacion di Royal Aruban Airlines, pa e permiso worde haya mas rapido.

Paul G., kende ta e Director Financiero di Air Holland, tabata masha interesa pa Royal Aruban Airlines por a cuminsa opera lo mas rapido posible. Nan mester a usa e compania aki pa vuelonan pa Suriname, pa asina usa e vuelonan aki como un forma facil pa por laba placa y tambe trafica droga.

Norman Kleine a muestra cu Paul G., ta esun cu a dune e encargo pa pasa placa "bao



mesa" na e 3 politiconan Arubano cu lo tabatin influencia e tempo ey, esta na 2001.

Pa basta aña Air Holland a mantene e avionnan bulando, danki na placa genera via traficacion di droga na Europa. Ta trata di un gang di baho mundo Surinameño operacional na Hulanda. Nan ta dos Surinameño kendenan ta ruman, y a usa Air Holland hopi bon pa laba placa cu e.o. tabata bay Inglatera, y di eynan tabata bay pa deposita den e parti operacional di e aerolinea.

Autoridad a haya sa mas detaye di Kleine, cu a conduci na otro sospecho den e caso, esta e doño di e agencia di viahe,

Q-International cu ta na Appeldoorn na Hulanda.

Un computer di Norman Kleine a worde confisca, y a base di informacion riba e harddisk, a haya sa di mensahenan via e-mail cu a manda pa e director di Air Holland, den cual "Aruba" tabata worde menciona constantemente y tambe e plannan diabolico pa lanta Royal Aruban Airlines.

Te cu awor tin 9 persona deteni na Hulanda den e caso aki, y na Augustus venidero posiblemente lo keda cla pa e caso penal cuminsa.

Varios sospechoso sinembargo a keda den libertad, wardando pa e caso yega dilanti Huez. Dos si ta keda deteni ainda.

Hecho ta cu tanto pais Aruba y Antiyas ta meti den e caso, y nomber di Politiconan conoci a worde menciona y ta poni den Verbaal. Pero autoridad no kier divulga ta "nomber di kende" a worde duna.

Fenomeno nobo den nos sistema hudicial Keho entrega a bira caso "on Hold"

ORANJESTAD (AAN) Na varios ocasion DIARIO como e matutino mas grandi y mas respeta na Aruba a yega di publica cu na Aruba cos a para yega asina leu cu entre cielo y Aruba tur cos ta posibel y asina tambe redaccion a haya informacion riba un otro caso increible.

Informacion haya ta muestra cu pa basta tempo caba un persona lo a haci denuncia cerca Landsrecherche relaciona cu actonan aparentemente den e aparato gubernamental cu lo tabata contra ley y e denuncia a bay acompaña cu un declaracion cu e persona en cuestiona mester a duna na Landsrecherche.

Dianan tabata pasa, siman y lunanan tabata pasa y denunciante no tabata wak nada di movicion di esnan competente den e aparato hudicial pa cu actuacion relaciona cu e denuncia haci.

Carta lo a ser manda pa Ministerio Publico relaciona cu e mesun caso y pa sorpresa grandi y hopi straño, Ministerio Publico lo a manda un carta back unda ta menciona cu e caso riba cual

denuncia a worde haci a worde poni 'On Hold'!

Redaccion a consulta varios abogado pa haya sa kico ta un caso 'On Hold'?

Tur abogado y hurista a duna di conoce cu nunca nan a yega di tende din un caso 'On Hold' pasobra denuncianan haci mester worde investiga debidamente y si den caso cu ta bon bisto cu e denuncia ta uno hopi debil of fofu y sin base, anto e caso ta worde anula, pero no ta cu ta pone caso 'On Hold'.

Tin indicacion cu denunciante lo bay cana otro caminda pa entrega keho na Hof (Corte Superior) pa asina Hof obliga esnan den e aparato hudicial na Aruba pa nan haci nan trabao y no cu ta pone caso 'On Hold'.

No ta conoci ainda si ta trata di un keho oficial entrega contra un of mas mandatario of funcionarianan publico, pero recientemente keho a worde entrega contra ministro Nilo Swaen di Finanzas relaciona cu manipulacion cu cifranan di finanzas publico y te awe ningun hende a tende algo oficial di autoridadnan competente.

THE DEVIL MADE ME DO IT!!



BEST DEAL


Tel: 5827100

(Pariba di Aruba Bank, Paradera)

BEST SHOPPING DEAL

Turibana Plaza

Tel: 5865455



Antena
cu remote
control
Afl. 39,95